



Na osnovu člama 15. Zakona o principima lokalne samouprave Federacije Bosne i Hercegovine (Službene novine Federacije BiH, broj 49/06 i 51/09), Člana 38 Statuta Općine Trnovo (Službene novine Kantona Sarajevo, broj: 12/08, člana 13. Budžeta općine Trnovo za 2024. godinu ("Službene novine Kantona Sarajevo" broj 1/24), člana 13. Odluke o izvršavanju Budžeta općine Trnovo za 2024. godinu ("Službene novine Kantona Sarajevo" broj 1/24), Pravilnika o načinu i postupku odobravanja jednokratne novčane pomoći licima u stanju socijalne potrebe, broj: 02-04-1241/23 od 21.03.2023, Pravilnika o uslovima i postupanju za odobravanje jednokratne novčane pomoći u snošenju troškova liječenja broj: 02-02-394/22 od 02.02.2022. godine i Pravilnika o kriterijima i postupku za odobravanje jednokratne novčane pomoći u snošenju djela troškova liječenja demobilisanih boraca broj: 02-02-349/21 od 08.02.2021. godine, Općinski načelnik raspisuje:

JAVNI POZIV

Za dodjelu jednokratnih novčanih pomoći licima u stanju socijalne potebe, licima oboljelim od teških bolesti, demobilisanim borcima oboljelim od teških bolesti za 2024 godinu.

1. PREDMET JAVNOG POZIVA

Predmet ovog Javnog poziva je odobrenje jednokratnih novčanih pomoći iz Budžeta općine Trnovo za 2024. godinu.

2. FINANSIJSKA SREDSTVA

Sredstva za dodjelu jednokratne pomoći predviđena su u Budžetu općine Trnovo za 2024. godinu ekonomski kod: - 614221

- Novčana pomoć nezaposlenim -pomoć socijalno ugroženim
- Novčana pomoć nezaposlenim -pomoć za liječenje
- Novčana pomoć nezaposlenim -pomoć za liječenje boračkih kategorija,

3. UVJETI ZA OSTVARIVANJE PRAVA NA JEDNOKRATNE NOVČANE POMOĆI

Pravo na jednokratnu novčanu pomoć može se ostvariti jednom u toku kalendarske godine i to lica koja imaju prebivalište na području općine Trnovo.

Pravo na jednokratnu novčanu pomoć imaju lica koja nisu već ostvarila pravo kod ovog organa po istom ili drugom osnovu u tekućoj godini.

Lica u stanju socijalne potrebe iz predhodnog stava smatraju se:

- Korisnici Javna kuhinje, stalne socijalne pomoći, tuđe njege i pomoći, lične invalidnine i ostvarene putem Službe socijalne zaštite općine Trnovo – Kantonalnog centra za socijalni rad
- Osobe sa posebnim potrebama kao i osobe nesposobne za rad
- Stara, bolesna, iznemogla lica bez primanja i penzioneri sa minimalnim penzijama
- Porodice čiji članovi nisu u radnom odnosu i nalaze se na Biro-u za zapošljavanje.
- Porodice čiji je jedan član porodice liječi od teške bolesti
- Demobilisani borci, pripadnici OSBIH kao i članovi njihovih porodica koji se liječe od teških bolesti ili ako im je potrebno ličenje u inostranstvu.

4. POTREBNA DOKUMENTACIJA

Podnosioci zahtjeva za dodjelu jednokratnih novčanih pomoći po ovom Javnom pozivu dužni su dostaviti dokumentaciju /orginal ili ovjerenu kopije/ u zavisnosti za koju od navedenih pomoći predaje zahtjev i to:

I. Za dodjelu jednokratne pomoći licima u stanju socijalne potrebe

- a). CIPS– prijava prebivališta
- b). ovjerenu kućnu listu
- c). dokaz o primanjima (evidencija BIRO-a za zapošljavanje, ček od penzije, i drugu dokumentaciju koja dokazuje primanja, za sve članove domaćinstva.)
- d.) račun banke otvoren na ime podnosioca zahtjeva (u slučaju da se prilaže račun od drugog lica priložiti ovjernu saglasnost da se novac može uplatiti na priloženi račun).

II. Za dodjelu jednokratne pomoći licima u snošenju troškova liječenja

- a). CIPS– prijava prebivališta
- c). dokaz o primanjima (evidencija BIRO-a za zapošljavanje, ček od penzije, i drugu dokumentaciju koja dokazuje primanja, za sve članove domaćinstva.)
- b.) medicinsku dokumentaciju o liječenju teške bolesti (ne stariju od šest mjeseci) ili preporuku ljekara.
- c.) račun banke otvoren na ime podnosioca zahtjeva (u slučaju da se prilaže račun od drugog lica priložiti ovjernu saglasnost da se novac može uplatiti na priloženi račun).

III. Za dodjelu jednokratne pomoći u snošenju djela troškova liječenja demobilisanih boraca

- a). CIPS– prijava prebivališta
- b). Uvjerenje o učešću u OS BiH
- c). medicinsku dokumentaciju o liječenju teške bolesti (ne stariju od šest mjeseci) ili preporuku ljekara
- d). račun banke otvoren na ime podnosioca zahtjeva (u slučaju da se prilaže račun od drugog lica priložiti ovjernu saglasnost da se novac može uplatiti na priloženi račun).

Napomena: za ovu kategoriju liječenja dostaviti predračun troškova budućeg liječenja u inostranstvu sa specifikacijom troškova liječenja, odnosno za otpočeto ili završeno liječenje u inostranstvu, dokaze o nastalim troškovima u koliko su se liječili u inostranstvu.

5. NAČIN DODJELE NOVČANIH SREDSTAVA

Zahtjeve zaprima i obrađuje nadležna služba u kontinuitetu sa pristiglim zahtjevima do isteka planiranih sredstava ili kraja kalendarske godine. Komisija za dodjelu jednokratnih pomoći vršiti će razmatranje zaprimljenih prijava i davati prijedlog za ostvarivanje prava na dodjelu sredstava za jednokratnu novčanu pomoć

Nakon provedenog postupka Javnog poziva, Općinski načelnik će na osnovu prijedloga Komisije donijeti Odluku o dodjeli jednokratnih pomoći, a nadležna služba izvršiti isplate na osnovu pojedinačnih Zaključaka o isplati.

Jednokratne pomoći mogu se odobriti u iznosima predviđenim Odlukom o izvršenju Budžeta Općine Trnovo za 2024. godinu i Pravilnicima za dodjelu jednokratnih novčanih pomoći.

6. PODNOŠENJE ZAHTJEVA NA JAVNI POZIV, ROKOVI

Javni poziv će se objaviti na službenoj web stranici i oglasnoj ploči općine Trnovo.

Prijavni obrasci se mogu preuzeti na web stranici i šalter sali općine Trnovo.

Ovaj Javni poziv je otvoren od dana objave do kraja utroška sredstava planiranih za dodjelu jednokratnih pomoći ili kraja kalendarske godine.

Nepotpune i neblagovremene prijave neće biti uzete u razmatranje i smatrat će se formalno neispravnim prijavama.

Zahtjevi se predaju direktno putem protokola općine Trnovo ili putem pošte preporučeno na adresu:

Općina Trnovo, Trnovo 36, 71223 Trnovo, sa naznakom:

“Javni poziv za dodjelu jednokratnih novčanih pomoći licima u stanju socijalne potebe, licima oboljelim od teških bolesti, demobilisanim borcima oboljelim od teških bolesti za 2024 godinu.

Broj: 02-11-206 /24
Trnovo: 18.01.2024 2024. godine

